



Australian Government



# KOVID-19 thika marar din ot burúburír kérmos or tákóoni gór ot ki acágorár asé

## Tákóiya ókkol, fémilí ókkol, kérmosdar ókkol ar adoijja ókkol ólla maalumat

Australian Hókúmot óttu hékmoti plan asé Australiat tákér dé fotti zon oré KOVID-19 thika ókkol díbollá.

Buráburír kérmos gór or hammwa ókkol adde tákóiya ókkol foóila manúic ór bútórtu óibó zará KOVID-19 thika loon gán ekteyar gorí faribó. Yaán óiye dé [Australia'r KOVID-19 thika baçidiyar hékmoti plan or foóila borat \(Borat 1a\)](#) or híssa.

Buráburír kérmos gór or hammwa ókkol adde tákóiya ókkol ólla KOVID-19 thika mara ré buráburír kérmos or tákóoni gór ókkol ót gorázaibo. Tuñár buráburír kérmos or tákóoni gór e tuñáre zanaidibo tuñár thika marar din hoñótte.

Thikar marar din adde híar age tuñúi ki acágorí faribá de hían or babote dhokumén yaán é tuñáre, tuñár fémilí ré, kérmosdar óre adde adoijja ókkol óre maalumat dibo.

## Thika marar din or age

- Tuñár buráburír kermos or tákóoni gór gán ot thika ókkol gosáidibollá Australian Hókúmot é entezam goribó.
- Kilíniki Ham or fóous Australian Hókúmot e mukoror goijjé zará tuñár buráburír kermos or tákóoni gór ot zaibo ar tákóiya ókkol adde soijja ókkol óre thikar anjam dibo. Kilíniki hammwa ókkol é thika mara din or age tuñár kermos gór loi becí hañsóttu ham goribó, taáke thika marar din gán sóiyi adde sólámote zarde hían yekini banaibólla.
- Tuñár buráburír kermos gór é tuñáttu, at (zodi táké) tuñár bодоilla fáisela goróiya attú fusár goríbo KOVID-19 thika loibar morzi zahér goribólla.
  - Maalumat tuñár hañsé asé tói tuñúi ekkán zanifúní fáisela loifaribá KOVID-19 thika marar babote. Tuñár kermos gór óttu zodi tuñáre maalumat yaán noó dede óile, hían or ek kopí tuñúi faiba [Sehét Dhipármén or websófat](#).
  - Morzi dibar age, tuñúi, tuñár fémilí, kermosdar ókkol, adde fáisela loiya ókkol e ekteyar gorífaribó tuñár kermos gór or kilínik soijja ókkol, ekzon GP yá oinno sehéti mahér ókkol loi thika marar nofá adde nuksani ókkol adde ar KOVID-19 thika maroon tuñálla munaséb né tazkara goribólla.
- Tuñár kermos gór kilíniki soijja ókkol tuñár sehét cek goribó thika loon gán tuñálla munaséb né fakka gori zanibólla. Zodi tuñát kermos gór óttu tuñár sehét or babote sinta ókkol táke, hítára GP loi mocwara goribó. Tuñár sehét adde KOVID-19 thika marar babote tuñár GP loi zehonó thaim ot hotá boibár ekteyar ó tuñáttu asé.
- Zodi tuñúi KOVID-19 thika loibollá razi óile, tuñár buráburí kermos gór é tuñár nam leká loibo thika loibólla. Thikar ham or fóous loi tuñár kermos gór é thika marar din ollá tortib ókkol entezam goríbo.
- KOVID-19 thika loibollá tuñár GP ottú sílip loon zoruri noó.
- Buráburír kermos or ekzon ukil lootfaibollá tuñáttu hók asé. OPAN or maárófat é hédmot yaán maana, gufoni ar hókúmot adde buráburí kermos doiya ókkol óttu alog. Tuñár raizzo yá elakat Buráburí Kérmosi Ukil Ókkol házer asé écé: 1800 700 600 yáto opan.com.au.

## Thika marar din ot

- Zodi thika loibollá tuñúi niyot goríle, thika marar din ot tuñúi gom asó dé hían óre tuñár kermos gór or kiliníki soijja ókkol é fakka gorí saibó. Thika marar din ot tuñáttu ekkán sehéti mosóla foida óile, tuñár thika mara hoñótte age zaibo fáisela loibólla yáto fore honó din fujjonto fissá loizoon zoruri né saibólla boli tuñár buráburír kermos gór é ekzon GP loi mocwara goríbó.
- Tuñáre modot ar bol dibollá thika marar din ot ekzon bol doiya manúic tuñár buráburír kermos or tákóoni gór ot aiyóon óre tuñúi ekteyar gorífaribá. Maalumat torjoma goríbólla yáto zodi tuñáttu sinta lagilé etminan dibollá honó manúic eçé cáamel asé.
- Zehonó thikar dhóilla, KOVID-19 thika mari baade tuñáttu baáz dhákkyá asór ókkol tákítfare. Tuñár thika anjam derde kiliníki hammwa yé tuñáre maalumat dibo thika marar baade ki acágorár asé de hían or babote. [Sehét Dhipármén or websófat](#) mazé yó maalumat yíán házér asé.
- Tuñár thika marar baade, tuñár buráburír kermos gór ot soijja ókkol é tuñáre hañsóttu nozordari goríbó. Tuñár thika loi baade tuñáttu gom nolagilé, hitáraré zanai diyó dé hían fakka goró.

## Biccáci taza maalumat loi zani táikko

Torjoma goijjá maalumat údda cóo, beec maalumat tuñúi faiba, Sehét Dhipármén or [KOVID-19 thika ókkol ór websófat](#). [KOVID-19 thika ókkol ór taza hóbor](#) ókkol faibolla tuñúi córík ói yó faibá.

Wotóni Korunaváires Modotlain oré 1800 020 080 ot koól gorí yó faribá ar zodi ekzon buzái doiya magi faribá.

[Burá Manúic ór Ukilair Sang \(OPAN\)](#) hazér asé zodi tuñáttu hotá hoitó mone hoilé honó mosóla yáto sinta ókkol cómmonde zín KOVID-19 mutallek tuñáttu asé yáto zodi tuñáttu modot lager zeçé tuñár buráburír kermos doiya cáamel. Bíinna 6 loi házuinná 10 baze, háfta ye 7 din 1800 237 981 ot koól goró yá eméil do [covid@opan.com.au](mailto:covid@opan.com.au) ot.